

## STATUTI

### SHOQĒRISË “EXCLUSIVE TAXI” SHPK

Në Tiranë, sot më 11.12.2023 (dy mijë e njëzet e tre), ), **Z.Islam QIBINI**, shtetas Shqiptar, i biri i Mehdiut, i datëlindjes 20.02.1955, lindur dhe banues në Tiranë, në adresën: Rr. “Myslym Shyri”, Pll.1, Shk. 12, Ap.192, Tiranë, mbajtës i Letërnjoftimit ID me nr.036213644 dhe nr.personal F50220258V, madhor e me zotësi të plotë për të vepruar, me vullnetin e tij të plotë, të lirë e të pacenuar, vendosi të themelojë shoqerinë **“EXCLUSIVE TAXI” SHPK**, në cilësinë e ortakut të vetëm themelues të saj.

Shoqëria do të ushtrojë aktivitetin e saj në përputhje me Aktin e Themelimit, legjislacionin tregtar në fuqi në Republikën e Shqipërisë dhe me parashikimet e këtij Statuti.

#### I. DISPOZITA TË PËRGJITHSHME

##### NENI 1

###### Emri, selia dhe vula e Shoqërisë

- 1.1. Shoqëria “EXCLUSIVE TAXI” SHPK është person juridik privat, e themeluar dhe organizuar sipas së drejtës së Republikës së Shqipërisë.
- 1.2. Shoqëria emërtohet dhe do të ushtrojë aktivitetin e saj nën emrin “EXCLUSIVE TAXI” SHPK.
- 1.3. Selia e Shoqërisë ndodhet në Tiranë, në adresën: Rr. “Nikolla Jorga”, Nd.9, H.4 Ap.5, Njesia Administrative nr.7, Kutia Postare 1001.
- 1.4. Shoqëria ka vulën e saj, e cila do të përdoret në çdo akt të Shoqërisë.

##### NENI 2


###### Objekti i veprimtarisë

- 2.1. Objekti i Veprimtarisë së Shoqërisë do të jetë, por duke mos u kufizuar në të:
  - “Shërbim Taksi 4+1, brenda dhe jashtë teritorit të vendit. Blerje, shitje makinash, dhënie makinash me qira, etj.”
- 2.2. Shoqëria ka të drejtë të shfojë, pakësojë apo të ndryshojë objektin e veprimtarisë së saj, në përputhje me parashikimet e legjislacionit në fuqi.

##### NENI 3

###### Kohëzgjatja e Shoqërisë

- 3.1. Afati kohor i zhvillimit të aktivitetit është i pakufizuar dhe fillon me regjistrimin e shoqërisë në regjistrin tregtar.



## NENI 4

### Forma e Shoqërisë

1. Shoqëria organizohet në formën e "Shoqërisë me Përgjegjësi të Kufizuar (SHPK)" dhe gjëzon personalitet juridik nga data e regjistrimit të saj.
2. Veprimtaria e saj i nënshtrohet dispozitave të Aktit së Themelimit, Statutit, si dhe dispozitave të legjislacionit tregtar e atij civil në fuqi në Republikën e Shqipërisë.
3. Me vendim të Asamblesë së Përgjithshme të Ortakëve, Shoqëria mund të vendlodë shndërrimin e saj në përputhje me nenet 228 e vijues të ligjit nr.9901, datë 14.04.2008 "Për tregtarët dhe shoqëritë tregtare".

## II. TË DREJTAT DHE DETYRAT E ORTAKËVE

## NENI 5

### Ortakët e Shoqërisë

1. Shoqëria ka 1 (një) ortak të vetëm, Z.Islam QIBINI, i cili zoteron 1 (një) kuotë, e cila i jep ortakut të drejtën e pjesëmarrjes prej 100% (njëqind përqind) në kapitalin bazë të Shoqërisë.
2. Ortaku i Vetëm i Shoqërisë ka të drejtë të tjetërsojë pronësinë mbi kuotën – tëresisht apo pjesërisht, si dhe të kalojë tëresisht apo pjesërisht të drejtat e lidhura me kuotën dhe kapitalin e zotuar prej tij tek persona të tretë.

## NENI 6

### Përgjegjësia e ortakëve

1. Ortaku i Vetëm themelues i Shoqërisë mban përgjegjësi për humbjet e shoqërisë deri në pjesën e pashlyer të kontributive të nënshkruara.
2. Pasuritë e krijuara nga Shoqëria gjatë aktivitetit të saj janë në pronësi të Ortakut të vetëm të Shoqërisë. Ato mund të tjetërsohen, të jepen me qira, të lihen peng e hipotekek dhe të lihen me trashëgimi me anë të vendimit të Ortakut të Vetëm.

## NENI 7

### Të drejtat dhe detyrimet e Ortakëve

1. Ortaku i Vetëm i Shoqërisë jep kontributin e tij në shoqëri në para apo në natyrë, sipas mënyrave dhe afateve të përcaktuara në statut. Ai përgjigjet ndaj shoqërisë personalisht pér dëmet e shkaktuara nga mospërbushja e këtyre detyrimeve apo nga përbushja e tyre përtëj afateve përkatëse.
2. Personat përgjegjës pér administrimin e shoqërisë informojnë Ortakun e Vetëm pér ecurinë e veprimtarisë së shoqërisë tregtare dhe me kërkesën e tij, duhet t'i vënë në dispozicion llogaritë vjetore, përfshirë llogaritë e konsoliduara, raportet pér gjendjen dhe ecurinë e veprimtarisë së shoqërisë tregtare, raportet e organeve drejtuese apo të ekspertëve kontabël të autorizuar, si dhe çdo dokument tjetër të brendshëm të shoqërisë, me përjashtim të rastit të sekretit tregtar, i cili në rast se do tu përhapej personave të paautorizuar do i shkaktonte dëm të konsiderueshëm interesave tregtare të shoqërisë. Sekret tregtar, ndër të tjera, do të

përbëjë çdo e dhënë të cilën shoqëria e vlerëson si informacion të brendshëm, çdo dokument i brendshëm të shoqërisë, çdo informacion përfshirë por pa u kufizuar në informacionin lidhur me klientët, know-how ose burimet e Punëdhënësit, faktet, të dhënrat programet, formulat, mendimet, komentet ose idetë, projektet ose politikat, planet apo kontratat, financat, asetet, të drejtat e pronësisë intelektuale dhe industriale, detyrimet, veprimet, proceset, produktet, synimet apo marrëveshjet përmundësítë e tregut, transaksionet, njoftimet, klientët, furnitorët, dizenjot, informacioni teknik ose softuerët, informacionet në lidhje me tregjet, marketingun dhe informacionet financiare, të cilat nëse bëhen të ditura mundet të ndikonin tregun.

- 7.3. Ortaku i Vetëm i Shoqërisë ka të drejtë të heqë dorë nga Shoqëria dhe të shesë pjesën e tij të kapitalit, në përputhje me kushtet e përcaktuara në Statut dhe në ligj. Heqja dorë nga Shoqëria nuk e liron atë nga detyrimet që ai ka ndaj Shoqërisë deri në momentin e heqjes dorë dhe nuk rrezikon marrjen e të ardhurave nga Shoqëria, të siguruara deri në atë moment.
- 7.4. Gjatë ushtrimit të të drejtave, Ortaku i Vetëm vepron duke marrë parasysh interesat e Shoqërisë. Ortaku i Vetëm i Shoqërisë respekton detyrimet që burojnë nga Statuti.

### **III. KAPITALI I SHOQËRISË**

#### **NENI 8**


##### **Kapitali Bazë**

- 8.1. Kapitali bazë i shoqërisë është në vlerën prej ALL 100.00 (njëqind lekë) dhe ndahet në 1 (një) kuotë, me vlerë nominale prej ALL 100.00 (njëqind lekë), e cila i jep Ortakut të Vetëm të drejtën e pjesëmarrjes prej 100% (njëqind përqind) në kapitalin bazë të Shoqërisë.
- 8.2. Ortaku i Vetëm themelues zotëron kuotën e vetme të shoqërisë përcaktuar në nenin 8.1 më sipër.
- 8.3. Ortaku i Vetëm themelues ka detyrimin të shlyejë kapitalin bazë të shoqërisë në tërësinë e tij brenda 6 (gjashtë) muajve nga data e regjistrimit të shoqërisë.

#### **NENI 9**

##### **Mënyrat e fitimit dhe kalimit të kuotave**

- 9.1. Kuotat e kapitalit bazë të Shoqërisë dhe te drejtat që rrjedhin prej tyre fitohen ose kalohen vetëm nëpërmjet:
  - 9.1.1.kontributit në kapitalin e shoqërisë;
  - 9.1.2.shit-blerjes;
  - 9.1.3.trashëgimisë;
  - 9.1.4.dhurimit;
  - 9.1.5.në çdo mënyrë tjeter të parashikuar në ligj.
- 9.2. Ortaku i Vetëm i Shoqërisë gjëzon të drejtën e parablerjes në rast shtimi të ortakëve të tjera, e në këtë rast, asnjë nga ortakët nuk ka të drejtë ta shesë kuotën e tij tërësisht apo pjesërisht në favor të një të treti, pa ia ofruar paraprakisht me të njejtat kushte ortakut tjeter. Ofrimi i kuotës bëhet nëpërmjet një njoftimi me shkrim nga ortaku që mendon të shesë kuotën drejtuar ortakut Z.Islam QIBINI, të dërguar me postë me lajmërim-



marrje së paku 90 (nëntëdhjetë) ditë përpara datës kur ofruesi mendon të shesë kuotën e zotëruar prej tij. Në njoftim duhet të përcaktohet çmimi me të cilin ortaku mendon të shesë kuotën, si dhe afati dhe modalitetet për pagimin e tij. Vetëm në rast se ortaku Z. Islam QIBINI vendos të mos ta ushtrojë të drejtën e parablerjes, ose nëse nuk i kthen përgjigje njoftimit të ortakut që dëshiron të shesë kuotën brenda afatit 90 (nëntëdhjetë) ditor, atëherë ky i fundit mund t'i ia shesë atë një të treti. Shitblerja duhet të kryhet me të njëjtat kushte që i janë ofruar ortakut Znj.Islam QIBINI. Shitblerja e kryer në kundërshtim të plotë apo të pjesëshëm me parashikimet e këtij nenit, është absolutisht e pavlefshme.

#### **IV. KUSHTET EKONOMIKE DHE FINANCIARE TË SHOQËRISË**

##### **NENI 10**

###### **Zmadhimi dhe zvogëlimi i kapitalit**

- 10.1. Kapitali bazë mund të zmadhohet ose të zvogëlohet me vendim të Asamblesë së Përgjithshme të Ortakëve të Shoqërisë.
- 10.2. Zmadhimi i kapitalit mund të vendoset kur e kërkojnë interesat e Shoqërisë, duke e reflektuar ndryshimin në kapital në vlerën nominale të kuotës së ortakut të vetëm, në vlerë të barabartë me kontributin individual të tij.
- 10.3. Zvogëlimi i kapitalit të Shoqërisë nuk duhet të dëmtojë kreditorët e as të krijojë pasiguri tek ata që kanë dhënë kredi përpara publikimit të zvogëlimit të kapitalit.

##### **NENI 11**

###### **Fondet rezervë**

- 11.1. Nga fitimi pas tatimit, i realizuar gjatë vitit financiar paraardhës, duke zbritur shpenzimet, Shoqëria duhet të krijojë rezervën ligjore e cila duhet tëjenë e barabartë me 10% (dhjetë përqind) të kapitalit të regjistruar të Shoqërisë si dhe fonde të tjera financimi për të përballuar nevojat e saj ekonomike.
- 11.2. Ajo disponon lirisht mjetet e saj financiare për shlyerjen e detyrimeve gjatë veprimtarisë së saj.

##### **NENI 12**

###### **Përdorimi i të ardhurave neto**

- 12.1. Të ardhurat neto që rezultojnë pasi zbriten shpenzimet e bëra për kryerjen e çdo lloj aktiviteti, përfshirë zbritjen e vlerës së amortizimit, tatimet dhe taksat, kuotat që rritin kreditin për investime, pagat e shpërbilimet, përdoren nga Ortaku i Vetëm, sipas qëllimeve të tij.

##### **NENI 13**

###### **Bilanci**

- 13.1. Pasuria e Shoqërisë vlerësohet në bilancet e saj në monedhë të vendit ose në monedhë të huaj.
- 13.2. Bilanci vjetor paraqitet brenda datës 31 Mars të vitit pasardhës.
- 13.3. Forma e Bilancit përcaktohet nga Administratori në harmoni me format e bilanceve të vendosura në Republikën e Shqipërisë.

## **NENI 14**

### **Plani financiar**

- 14.1. Plani financiar parashikon aktivin e pasivin e aktivitetit ekonomik të Shoqërisë, të shprehur në lekë ose valutë të konvertueshme. Llogaria ekonomike do të mbahet në Shqipëri.
- 14.2. Shkëmbimi i monedhës Shqiptare me atë të huaj dhe anasjelltas bëhet sipas kursit zyrtar ose privat të këmbimit.

## **NENI 15**

### **Shpërndarja e fitimeve**

- 15.1. Ortaku i vetëm ka të drejtë të ndajë pjesën e fitimeve vjetore (dividentin) të deklaruara në pasqyrat financiare të shoqërisë.
- 15.2. Dividenti i shpërndahet i gjithi, Ortakut të Vetëm të Shoqërisë.

## **NENI 16**

### **Kufizimi i shpërndarjeve të fitimeve**

- 16.1. Shoqëria do të shpërndajë fitimet e ortakut të vetëm në çdo fund të vitit financiar, pas miratimit të bilancit nga Asambleja e Ortakëve/Mbledhja e Ortakut të Vetëm, vetëm nëse pas pagimit të dividendit:
  - 16.1.1. aktivet e shoqërisë mbulojnë tërësisht detyrimet e saj;
  - 16.1.2. shoqëria ka aktive likvide të mjaftueshme për të shlyer detyrimet që bëhen të kërkueshme brenda 12 (dymbëdhjetë) muajve në vazhdim.
- 16.2. Administratorët lëshojnë një certifikatë të aftësisë paguese, e cila konfirmon shprehimisht se shpërndarja e propozuar e dividendëve përmbrush kërkesat e mësipërme.
- 16.3. Kur gjendja e shoqërisë tregon se shpërndarja e propozuar e dividendëve nuk i përbush këto kritere, administratorët nuk mund ta lëshojnë këtë certifikatë.
- 16.4. Administratorët përgjigjen ndaj shoqërisë për vërtetësinë e certifikatës së aftësisë paguese.
- 16.5. Administratorët, të cilët nga pakujdesia lëshojnë një certifikatë të pasaktë të aftësisë paguese, përgjigjen personalisht përpëra shoqërisë për kthimin e dividendëve të shpërndarë.
- 16.6. Ortakët, që kanë marrë nga shoqëria dividendë, përgjigjen personalisht ndaj shoqërisë për kthimin e dividendëve, që u janë shpërndarë kur nuk është lëshuar certifikata e aftësisë paguese, ose kur pavarësisht lëshimit të certifikatës, këta ortakë kanë pasur dijeni për gjendjen e paaftësisë paguese, ose në bazë të rrrethanave të qarta nuk mund të mos kishin pasur dijeni për këtë gjendje.

## **V. ORGANET E SHOQËRISË**

## **NENI 17**

### **Asambleja e Përgjithshme**

- 17.1. Organi themelor i shoqërisë është Asambleja e Përgjithshme e Ortakëve, e cila, kur shoqëria ka një ortak të vetëm, përbëhet nga ky i fundit.

17.2. Asambleja e Përgjithshme e Ortakëve/ Mbledhja e Ortakut të Vetëm, merr vendime për:

- 17.2.1. përcaktimin e politikave tregtare të shoqërisë;
- 17.2.2. ndryshimet e statutit;
- 17.2.3. emërimin e shkarkimin e administratorëve;
- 17.2.4. emërimin e shkarkimin e likuiduesve dhe të ekspertëve kontabël të autorizuar;
- 17.2.5. përcaktimin e shpërblimeve për administratorët, likuiduesit dhe ekspertët kontabël të autorizuar.
- 17.2.6. mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- 17.2.7. miratimin e pasqyrave financiare vjetore dhe të raporteve të ecurisë së veprimtarisë;
- 17.2.8. zmadhimin dhe zvogëlimin e kapitalit;
- 17.2.9. pjesëtimin e kuotave dhe anulimin e tyre;
- 17.2.10. përfaqësimin e shoqërisë në gjykatë dhe në procedimet e tjera ndaj administratorëve;
- 17.2.11. riorganizimin dhe prishjen e shoqërisë;
- 17.2.12. miratimin e rregullave procedurale të mbledhjeve të asamblesë;
- 17.2.13. çështje të tjera të parashikuara nga ligji apo statuti.

## NENI 18

### **Mbledhja e Asamblesë së Përgjithshme/Mbledhja e Ortakut të Vetëm**

- 18.1. Asambleja e Përgjithshme mblidhet sa herë që mbledhja është e nevojshme për të mbrojtur interesat e shoqërisë.
- 18.2. Mbledhja e asamblesë së përgjithshme thirret të paktën një herë në vit. Asambleja e Përgjithshme thirret nga administratorët apo ortakët të cilët përfaqësojnë të paktën 5% (pesë përqind) të totalit të votave në asamblenë e përgjithshme të shoqërisë.
- 18.3. Asambleja e përgjithshme thirret detyrimisht nëse:
  - 18.3.1. sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 (tre) muajve në vazhdim.
  - 18.3.2. shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5% (pesë përqind) përqind të aseteve të shoqërisë, që rezulton në pasqyrat e fundit financiare të certifikuara.
  - 18.3.3. shoqëria, brenda 2 (dy) viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5% (pesë përqind) të aseteve të shoqërisë, që rezulton në pasqyrat e fundit financiare të certifikuara.

## NENI 19

### Thirrja e Asamblesë së Përgjithshme

- 19.1. Asambleja e përgjithshme thirret nëpërmjet një njoftimi me shkresë ose me njoftim nëpërmjet postës elektronike.
- 19.2. Njoftimi me shkresë apo me mesazh elektronik duhet të përbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 (shtatë) ditë përpara datës së parashikuar për mbledhjen e asamblessë.
- 19.3. Kur asambleja e përgjithshme nuk është thirrur si më sipër, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

## NENI 20

### Kuorumi i nevojshëm dhe vendimmarrija

- 20.1. Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zoterojnë më shumë se 30% (tridhjetë përqind) të kapitalit bazë të shoqërisë.
- 20.2. Në rastin kur asambleja e përgjithshme duhet të vendosë për çështje, të cilat kërkojnë shumicë të cilësuar, ajo mund të marrë vendime të vlefshme vetëm nëse ortakët që zoterojnë me shumë se gjysmën e numrit total të votave janë të pranishëm personalisht, votojnë me shkresë, apo mjete elektronike.
- 20.3. Nëse asambleja e përgjithshme nuk mund të mblidhet për shkak të mungesës së kuorumi të përmendor më sipër, asambleja mblidhet përsëri jo më vonë se 30 (tridhjetë) ditë, me të njëjtin rend dite.
- 20.4. Asambleja e përgjithshme vendos me  $\frac{3}{4}$  (tre të katërtat) e votave të ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.
- 20.5. Për çështjet e tjera, asambleja e përgjithshme vendos me shumicën e votave të ortakëve pjesëmarrës.
- 20.6. Çdo kuotë jep të drejtën e një vote.
- 20.7. Ortakët që nuk janë të pranishëm, kanë të drejtën e pjesëmarrjes në mbledhjen e asamblesë së përgjithshme me mjete të ndryshme komunikimi, duke përfshirë këtu mjetet elektronike, nëpërmjet teleose-videokonferencës.
- 20.8. Ortaku që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdhërojë ndalimin e cenimit apo shpërblimin e dëmit të shkaktuar, si pasojë e cenimit të këtyre të drejtave.

## NENI 21

### Procesverbali i mbledhjes së Asamblesë

- 21.1. Të gjitha vendimet e Asamblesë së Përgjithshme/mbledhjes së ortakut të vetëm duhet të regjistrohen në procesverbal.
- 21.2. Administratorët përgjigjen për ruajtjen e kopjeve të procesverbaleve të mbledhjeve të asamblesë së përgjithshme/mbledhjes së ortakut të vetëm.

- 21.3. Procesverbal i duhet të përbajë datën e vendin e mbledhjes, rendin e ditës, emrin e kryetarit e të mbajtësit të procesverbalit.
- 21.4. Procesverbalit i bashkëlidhet edhe lista e pjesëmarrësve, si edhe akti i thirrjes së asamblesë së përgjithshme.
- 21.5. Procesverbal i mbledhjes nënshkruhet nga kryetari dhe nga mbajtësi i procesverbalit.

## **VI. ADMINISTRIMI I SHOQËRISË**

### **NENI 22**

#### **Rregullat për emërimin dhe shkarkimin e Administratorëve dhe kompetencat e tyre**

- 22.1. Asambleja e përgjithshme/Mbledhja e Ortakut të Vetëm emëron deri në 3 (tre) persona fizikë (individë) si administratorë të Shoqërisë.
- 22.2. Afati i emërimit, nuk mund të jetë me i gjatë se 5 (pesë) vjet, me të drejtë ripërtëritje.
- 22.3. Kompetencat, të drejtat dhe detyrimet e administratorit do të përcaktohen në aktin e emërimit të tij nga Asambleja e Përgjithshme.
- 22.4. Emërimi i administratorëve prodhon efekte pas regjistrimit në Qendrën Kombëtare të Biznesit.
- 22.5. Asambleja e Përgjithshme mund të shkarkojë administratorin në çdo kohë. Statuti apo marrëveshje të tjera nuk mund të përashtojnë apo kufizojnë këtë të drejtë.

### **NENI 23**


#### **Administratorët e Shoqërisë**

- 23.1. Administrator i shoqërisë "EXCLUSIVE TAXI" SHPK do të jetë Znj. **Violeta QIBINI**, shtetase shqiptare, e bija e Thomait, e datëlindjes 25.03.1959, lindur dhe banuese në Tiranë, në adresën: Rr. "Myslym Shyri", Pll.1, Shk. 12, Ap.192, Tiranë, mbajtëse e Pashaportës me nr.BA1761093 dhe nr.personal F95325242Q, madhore e me zotësi të plotë për të vepruar.
- 23.2. Administratorja e sipërcituar emërohet për një afat 5 (pesë) vjeçar me të drejtë riemërimi, duke nisur ky afat nga data e regjistrimit të saj pranë Qendrës Kombëtare të Biznesit.
- 23.3. Shoqëria do të përfaqësohet përpëra çdo organi administrativ, gjyqësor, apo çdo entiteti tjetër publik apo privat dhe në marrëdhënie me të tretët nga Administratori i Shoqërisë (dhe/ose nga një apo disa persona të tjerë të autorizuar prej tij), i cila i ushtron të drejtat dhe detyrimet e tij në përputhje me Statutin e shoqërisë dhe me legjislacionin Shqiptar në fuqi.

### **NENI 24**

#### **Të drejtat dhe detyrimet e administratorëve**

- 24.1. Administratorja ka të drejtë dhe detyrohet të:
  - 24.1.1. Kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
  - 24.1.2. Përfaqësojë shoqërinë tregtare;



- 24.1.3. Kujdeset pér mbajtjen e saktë e të rregullt të dokumenteve dhe të librave kontabël të shoqërisë;
- 24.1.4. Përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet pér shpërndarjen e fitimeve, i paraqesin këto dokumente pérpara asamblesë së përgjithshme pér miratim;
- 24.1.5. Krijojë një sistem paralajmërimi në kohën e duhur pér rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- 24.1.6. Kryejë regjistrimet dhe dërgojë të dhënat e detyrueshme te shoqërisë, siç parashikohet në ligjin pér Qendrën Kombëtare të Biznesit;
- 24.1.7. Të thërrasë detyrimisht Asamblenë e Përgjithshme nëse: (a) sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim, ose (b) shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 përqind të aseteve të shoqërisë, që rezulton në pasqyrat e fundit financiare të certifikuara.
- 24.1.8. Kryejë detyra të tjera të përcaktuara në ligj dhe në statut.

## NENI 25

### Shpërbimi i administratorëve

- 25.1. Shpërbimit bazë të administratorit mund t'i bëhen shtesa, që mund të janë përqindje në fitim ose të ngjashme. Shpërbimet e administratorit përcaktohen me vendim të zakonshëm të Asamblesë së Përgjithshme.
- 25.2. Shpërbimi, duhet të jetë i përshtatshëm dhe në përputhje me detyrat e administratorit dhe gjendjen financiare të shoqërisë.
- 25.3. Nëse shoqëria është në vështirësi financiare, asambleja e përgjithshme mund të vendosë reduktimin e shpërbimit të administratorit në masën e përshtatshme.
- 25.4. Kriteret e shpërbimit, shpërbimi individual dhe efekti vjetor i shpërbimit të administratorit në strukturën e kostove të shoqërisë tregtare publikohen së bashku me pasqyrat financiare vjetore.

## NENI 26

### Ekspertët Kontabël

- 26.1. Shoqëria cakton ekspert(ë) kontabël pér çdo vit finansiar në rastet e përcaktuara në ligj. Emërimin e tyre e bën Mbledhja e Asamblesë së Përgjithshme të Ortakëve.
- 26.2. Ekspertët kontabël mbajnë përgjegjësi pér mbajtjen e rregullt të të gjithë dokumentacionit të Shoqërisë.
- 26.3. Ata përgjigjen pér dëmet që i vijnë Shoqërisë nga mbajtja e parregullt e illogarive ose verifikimi i tyre i gabuar.
- 26.4. Nuk mund të ngarkohen me detyrën e ekspertit, themeluesi, administratori, si dhe personat që janë gjini e krushqi me ata deri në shkallën e katërt.

## **VII. MARRËDHËNIET E PUNËS**

### **NENI 27**

#### **Marrëdhëni e punës**

- 27.1. Marrëdhëni e punës në Shoqëri rregullohen sipas dispozitave të Akitit të Themelimit, Statutit dhe Legjislacionit Shqiptar të Punës.
- 27.2. Punësimi në Shoqëri realizohet me anë të kontratave individuale ose kolektive të punës ndërmjet Shoqërisë dhe punëmarrësve.
- 27.3. Bën përjashtim nga parashikimet e këtij nenit, marrëdhënia mes shoqërisë dhe administratorit(ëve) të saj, e cila rregullohet sipas ligjit nr.9901, datë 14.04.2008 "Për tregtarët dhe shoqërítë tregtare" (i ndryshuar).

### **NENI 28**

#### **Përgjegjësitë e të punësuarve**

- 28.1. Punëmarrësit dhe punonjësit drejtues administrativë janë përgjegjës për dëmet që i shkaktojnë me faj Shoqërisë dhe/ose të tretëve në marrëdhënie kontraktore apo administrative me shoqërinë dhe përgjigjen përpara saj civilisht.

## **VIII. PRISHJA E SHOQËRISË. LIKUIDIMI**

### **NENI 29**

#### **Prishja e shoqërisë**

- 29.1. Kjo Shoqëri do të prishet në rastet kur:

- 29.1.1. Prishja vendoset nga Ortaku i Vetëm themelues në Mbledhjen e Asamblesë së Përgjithshme/ Mbledhjen e Ortakut të Vetëm;
- 29.1.2. Me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;
- 29.1.3. Në rast se objekti bëhet i parealizueshëm për shkak të mosfunkcionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;
- 29.1.4. Në rastet e pavlefshmërisë së themelimit të shoqërisë, të parashikuara nga neni 3/1 i ligjit nr.9901, datë 14.04.2008 "Për tregtarët dhe shoqërítë tregtare" (i ndryshuar), kur pavlefshmëria është konstatuar me vendim gjyqësor të formës së prerë;
- 29.1.5. Me vendim gjyqësor të formës së prerë;
- 29.1.6. Në raste të tjera, të parashikuara me ligj.

- 29.2. Prishja e shoqërisë regjistrohet në Registrin Tregtar pranë Qendrës Kombëtare të Biznesit nga Administratorët.

## NENI 30

### Likuidimi i shoqërisë

- 30.1. Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përashtim të rasteve kur është nisur një procedurë falimentimi. Likuidimi kryhet nga likuiduesit e emëruar nga asambleja e përgjithshme. Nëse asambleja e përgjithshme nuk merr një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.
- 30.2. Çdo person i interesuar, ka të drejtë t'i kërkojë gjykatës zëvendësimin e likuiduesit, sipas vendimit të Asamblesë së Përgjithshme të Ortakëve, nëse paraqet arsyen e mjaftueshme për të dyshuar se likuidimi i rregullt i shoqërisë mund të cenohet nga likuiduesit e emëruar si më sipër. Kërkesa duhet të depozitohet në gjykatë brenda 30 ditëve nga data e caktimit të likuiduesit.
- 30.3. Gjykata emëron likuiduesin, në rastet kur shoqëria tregtare prishet me vendim gjykate. Likuiduesit shkarkohen dhe zëvendësohen me të njëjtat kushte, të parashikuara në dispozitat për emërimin e tyre.
- 30.4. Administratorët e shoqërisë i njoftojnë për regjistrim, Qendrës Kombëtare të Biznesit të dhënët e likuiduesve të parë dhe tagrat e tyre, për të përfaqësuar shoqerinë, së bashku me dokumentet përkatëse. Likuiduesit depozitojnë nënshkrimin e tyre.
- 30.5. Likuiduesit i njoftojnë, gjithashtu, Qendrës Kombëtare të Biznesit për regjistrim çdo ndryshim për identitetin dhe tagrat e tyre të përfaqësimit.
- 30.6. Likuiduesit duhet të ftojnë kreditorët e shoqërisë për të depozituar pretendimet e tyre për prishjen e saj. Likuiduesi merr përsipër të drejtat dhe detyrimet e administratorëve nga data e emërimit të tij.

## NENI 31

### Të drejtat dhe detyrimet e likuiduesit

- 31.1. Detyra e likuiduesve është mbyllja e të gjitha veprimeve të shoqërisë, mbledhja e kredive të paarkëtuara dhe e kontributeve të pashlyera, shitja e pasurive të shoqërisë dhe shlyerja e kreditorëve duke respektuar radhën e referimit, sipas nenit 605 të Kodit Civil.
- 31.2. Likuiduesi mund të kryejë edhe veprime të reja tregtare, për mbylljen e një veprimi të papërfunduar. Nëse, në bazë të padive të ngritura nga kreditorët, likuiduesit vërejnë se pasuria e shoqërisë tregtare, përfshirë kontributet e pashlyera, nuk është e mjaftueshme për pagesën e këtyre pretendimeve, likuiduesit detyrohen ta pezullojnë procedurën e likuidimit e t'i kërkojnë gjykatës përkatëse nisjen e procedurave të falimentimit.

## NENI 32

### Bilancet

- 32.1. Likuiduesi përgatit një bilanc të gjendjes së shoqërisë në çastin e hapjes së likuidimit dhe një bilanc përfundimtar në çastin e mbylljes së këtyre procedurave. Nëse procedura e likuidimit zgjat më shumë se një vit, likuiduesi përgatit, gjithashtu, pasqyrat financiare vjetore të shoqërisë. Bilancet miratohen nga Asambleja e Përgjithshme.

**NENI 33**  
**Shpërndarja e aktiveve**

- 33.1. Pas shlyerjes së detyrimeve ndaj kreditorëve, likuiduesi i shpërndan ortakut të vetëm aktivet e mbeturë, sipas të drejtave që ai ka në ndarjen e fitimeve.
- 33.2. Pasuritë, që i janë dhënë shoqërisë me qira apo në përdorim, me çfarëdo titulli i kthehen ortakut të vetëm.
- 33.3. Pas shpërndarjes së aktiveve të mbeturë, likuiduesi e njofton Qendrën Kombëtare të Biznesit përfundimin e likuidimit dhe kërkon çregjistrimin e shoqërisë.

**IX. DISPOZITA TË FUNDIT**

**NENI 34**

**Hyrja në fuqi**

- 34.1. Ky Statut hyn në fuqi me regjistrimin e tij pranë Qendrës Kombëtare të Biznesit.

**NENI 35**

**Dispozita kalimtare**

- 35.1. Çdo çështje e cila nuk është parashikuar shprehimi shtëpia e statutit do të rregullohet nga legjislacioni në fuqi në Republikën e Shqipërisë, e posaçërisht, ligji nr. 9901, datë 14.04.2008 "Për tregtarët dhe shoqëritë tregtare" (i ndryshuar).
- 35.2. Ky Statut përbëhet nga 12 (dymbëdhjetë) faqe dhe hartohet në 3 (tre) kopje origjinale në gjuhën shqipe, nga një për secilin ortak, një për t'u arkivuar nga Shoqëria dhe një për t'u depozituar e regjistruar pranë Qendrës Kombëtare të Biznesit dhe nënshkruhet pa vërejtje nga Ortaku i Vetëm i Shoqërisë.

**ORTAKU I VETËM**  
I  
**SHOQËRISË "EXCLUSIVE TAXI" SHPK**

  
Z. Islam QIBINI